

№ 01/09

09.08.2021 წ.

საქართველოს გარემოს დაცვის და სოფლის მეურნეობის მინისტრის მოადგილეს  
ქალბატონ ნინო თანდილაშვილს

ქალბატონო ნინო,

2017 წელს საქართველოს გარემოსა და ბუნებრივი რესურსების დაცვის სამინისტროს მიერ შპს „ახალი ქარხანას“ ასფალტის წარმოებაზე (ოზურგეთის მუნიციპალიტეტი, სოფ. გურიანთა) გაიცა №27 (20.04.2017) ეკოლოგიური ექსპერტიზის დასკვნა. ხოლო „შპს „ახალი ქარხანას“ ასფალტის წარმოებაზე გარემოსდაცვითი გადაწყვეტილების გაცემის შესახებ“ საქართველოს გარემოს დაცვისა და სოფლის მეურნეობის მინისტრის 2020 წლის 07 დეკემბერს გამოცემული №2-1138 ბრძანებით, „გარემოსდაცვითი შეფასების კოდექსის“ 48-ე მუხლის მე-4 ნაწილის თანახმად, მიღებული იქნა გარემოსდაცვითი გადაწყვეტილება.

ამავდროულად ძალადაკარგულად გამოცხადა „შპს „ახალი ქარხანას“ ასფალტის წარმოებაზე ეკოლოგიური ექსპერტიზის დასკვნის დამტკიცების შესახებ“ საქართველოს გარემოსა და ბუნებრივი რესურსების დაცვის მინისტრის 2017 წლის 21 აპრილის №ი-210 ბრძანება, თუმცა აღნიშნული გარემოსდაცვითი გადაწყვეტილებით იურიდიულ ძალას ინარჩუნებს 2017 წლის №27 ეკოლოგიური ექსპერტიზის დასკვნა.

შპს „ახალი ქარხანას“ ასფალტის წარმოების (ოზურგეთის მუნიციპალიტეტი, სოფ. გურიანთა) მიმდინარე საქმიანობაზე გაცემული №27 (20.04.2017) ეკოლოგიური ექსპერტიზის დასკვნის შესაბამისად გათვალისწინებული იყო წლიურად 30 000,0 ასფალტის დამზადება, მათ შორის ქვედა შრის მსხვილმარცვლოვანი 15000,0 ტ/წელ. და ზედა შრის წვრილმარცვლოვანი - 15000,0 ტ/წელ.

საგზაო მშენებლობის ბაზარზე შექმნილი რეალობის გათვალისწინებით და ხსენებულ პროდუქტზე გაზრდილი მოთხოვნებიდან გამომდინარე კომპანიის მენეჯმენტს განსაზღვრული აქვს გაზარდოს ასფალტის წარმოება წელიწადში 125 000,0 ტონამდე, მათ შორის ქვედა შრის მსხვილმარცვლოვანი - 50 000,0 ტ/წელ. და ზედა შრის წვრილმარცვლოვანი - 75 000,0 ტ/წელ., ამჟამად საწარმოში არსებული ტექნოლოგიების შეუცვლელად.

აღნიშნული წარმოადგენს საქართველოს კანონის „გარემოსდაცვითი შეფასების კოდექსი“-ს მე-5 მუხლის მე-12 ნაწილის შესაბამისად ექსპლუატაციის პირობების შეცვლას (წარმადობის გაზრდას) და ექვემდებარება ამავე კოდექსის მე-7 მუხლით განსაზღვრული სკრინინგის პროცედურის გავლას, გზშ-ს საჭიროების დადგენის მიზნით.

ამასთანავე, შპს „ახალი ქარხანას“ ასფალტის საწარმოს ტერიტორიაზე (ოზურგეთის მუნიციპალიტეტი, სოფ. გურიანთა (ს/კ N26.06.14.719), რომელზეც სამინისტროს მიერ გაცემულია №27 (20.04.2017) ეკოლოგიური ექსპერტიზის დასკვნა, ა,ს/კ N26.06.14.719) განთავსდა ბეტონის ქარხანა და სასარგებლო წიაღისეულის (ქვიშა-ღორღი) გადამამუშავებელი საწარმო (სასარგებლო წიაღისეულის გადამამუშავებით მიღებული პროდუქციის ძირითადი ნაწილი გამოყენებული იქნება ასფალტის წარმოების დროს.



საქართველოს კანონის „გარემოსდაცვითი შეფასების კოდექსი“-ს II დანართის მე-5 პუნქტის 5.3 ქვეპუნქტის თანახმად "ასფალტის წარმოება" მიეკუთვნება საქართველოს კანონის „გარემოსდაცვითი შეფასების კოდექსი“-ს II დანართით გათვალისწინებულ საქმიანობას, ხოლო ამავე კოდექსის II დანართის 5.1 ქვეპუნქტის თანახმად "სასარგებლო წიაღისეულის გადამუშავება" ასევე მიეკუთვნება II დანართით გათვალისწინებულ საქმიანობას და ამ კოდექსის მე-7 მუხლის შესაბამისად კოდექსის II დანართით გათვალისწინებული საქმიანობისთვის გზმ-მდე ხორციელდება სკრინინგის პროცედურა, გარდა ამ მუხლის მე-13 ნაწილით გათვალისწინებული შემთხვევისა, რომლის შესაბამისად "თუ საქმიანობის განმახორციელებელი გეგმავს ამ კოდექსის II დანართით გათვალისწინებული საქმიანობის განხორციელებას და მიაჩნია, რომ ამ საქმიანობისთვის აუცილებელია გარემოსდაცვითი გადაწყვეტილების გაცემა, იგი უფლებამოსილია სამინისტროს ამ კოდექსის მე-8 მუხლით დადგენილი წესით წარუდგინოს სკოპინგის განცხადება (სკრინინგის ეტაპის გავლის გარეშე). ასეთ შემთხვევაში გამოიყენება გარემოსდაცვითი გადაწყვეტილების გაცემისთვის ამ კოდექსით დადგენილი მოთხოვნები".

საქართველოს კანონის „გარემოსდაცვითი შეფასების კოდექსი“-ს მე-5 მუხლის მე-14 პუნქტის თანახმად თუ საქმიანობის განმახორციელებელი გეგმავს ამ კოდექსის I და II დანართებით გათვალისწინებული ისეთი საქმიანობების განხორციელებას, რომლებიც ტექნიკურად ან/და ფუნქციურად ურთიერთდაკავშირებულია, იგი უფლებამოსილია წარუდგინოს სამინისტროს საერთო სკოპინგის ანგარიში და მოითხოვოს ერთი გარემოსდაცვითი გადაწყვეტილების გაცემა ამ კოდექსის შესაბამისად.

ზემოაღნიშნულიდან გამომდინარე, შპს „ახალი ქარხანა“ გეგმავს ამ კოდექსის II დანართით გათვალისწინებული საქმიანობის განხორციელებას და მიაჩნია, რომ ამ საქმიანობისთვის აუცილებელია გარემოსდაცვითი გადაწყვეტილების გაცემა, ამიტომ საქართველოს კანონის „გარემოსდაცვითი შეფასების კოდექსი“-ს მე-8 მუხლით შესაბამისად, შემუშავებული იქნა სკოპინგის ანგარიში (სკრინინგის ეტაპის გავლის გარეშე), რომელსაც წარმოგიდგენთ სკოპინგის დასკვნის გასაცემად.

დანართი: 1. შ.პ.ს. „ახალი ქარხანა“-ს ასფალტის ქარხანის მოწყობისა და ექსპლუატაციის პროექტის სკოპინგის ანგარიში და დოკუმენტის ელ. ვერსია;  
2. დაგეგმილი საქმიანობის განხორციელების ადგილის შესახებ ინფორმაცია, GIS (გეოინფორმაციული სისტემები) კოორდინატების მითითებით (shp-ფაილთან ერთად).

პატივისცემით,

ილია კვეკელიძე

შ.პ.ს. „ახალი ქარხანა“-ს ასფალტის ქარხნის დირექტორი

